

古今楹聯類纂

增慶弔雜件看覽
武進唐駝署

文762
913
:4



覽備用應國民國

全書
六冊

書分尺牘
日用兩大門

又分尺牘門之

類為十四日用門

之類為二十四淺近

典雅因時制宜內而

家庭外而社會應

用之事靡不詳

具為國民涉

世之指南

價洋
五角

纂類牘文新華中

全函
八冊

是書將民國紀元

以來凡數載間自大

總統副總統以下各部

及直省各署或各團體諸

文牘擇尤選錄彙類成編以

各部為綱以各部中所設各

司為目分訂八冊一二百

四十餘篇印訂精美有

目共賞為政治文學

教育家不可不備

定價
壹元二角

古今楹聯類纂卷五下

哀輓類二目錄

輓女通用

輓節母

輓烈婦

輓政界母

輓政界妻

輓軍界節母

輓學界母

輓學界妻

輓商界節母

喪母

輓伯母

輓姑母

輓乳母

輓女切時令

輓孝女

輓貞女

輓政界節母

輓軍界母

輓軍界妻

輓學界節母

輓商界母

輓商界妻

輓祖母

輓叔母

輓庶母

輓姊

輓妹

輓弟妻

輓妾

哭女

姪女附

輓舅母

輓表姊妹

輓太岳母

輓伯叔岳母

輓內嫂

輓舅親家母

輓姻伯叔母

輓師母

太師母附

輓女學生

輓友人母

輓友人妾

輓嫂

悼亡

未婚妻附

輓媳

姪媳附

輓外祖母

輓姨母

輓表嫂

輓岳母

輓內姊妹

輓太親母

輓女親家母

輓世伯叔母

輓女教習

輓義母

輓友人妻

輓友人喪女

輓鄰母

女子輓友

雙輓

輓隣人妻

女子自輓

古今楹聯類纂卷五下

哀輓類二

輓女通用

女星沉寶婺

慈竹當風空有影

了無遺恨餘閨閣

溫恭允著閨中則

懿德傳諸鄉里口

仙輿不駐人閒世

彤管揚芬久欽懿德

白雲居空悠然而盡

周禮中殘絳幔云亡韋逞母

孤飛曰吾親舍在其下

冬閨詠絮春日頌椒才子掃眉留有譽

佛座拈花慈憐摧竹仙縱返駕不勝悲

又夫在



仙駕返瑤池

晚萱經雨不留香

自有餘徽裕後昆

淑慎堪傳閨內師

賢慈報在子孫身


懿行應書列女篇

錦幃香冷空仰徽音

黃葉滿地淒其以悲

太行西上白雲望斷秋梁公

秋仁傑登太行山見白雲



秋風鼓莊缶

夜月冷荀幃

總幃驚聽安仁句

推髻猶留德曜風

潘岳有悼亡詩

又翁姑夫俱在
涓涓奉翁姑方欣二老在堂洗手調羹猶婦職
筭加相夫子詎料一朝永訣傷心
鼓缶激哀音

又夫在有子

憑誰挽虎成高隱

無復九熊佐讀書

鮑宣與妻桓少君共挽鹿車

柳仲郢母嘗和熊膽丸使夜燕咀以助勤讀

為名門大婦而蔬食布衣盡洗庸庸脂粉氣
增女界榮光是令妻賢母長留落髮
孝慈聲

又有子孫

是壽母是福人厥德不回其則不遠
有慈孫有孝子雖死之日猶生之年

憶蟠桃熟時生來多子多孫秀競階前承膝下
悟木樨香後此去成仙成佛樂應
天上勝人間

論才若大家論德若敬姜才德兼優上壽宜臻百歲
有子如范滂有孫如李密子
孫繼起太君足以千秋

又夫在有子孫

本來仙佛前身復何論淑德嫩言清脩懿行
試問古今令母有幾箇婦隨夫倡子
孝孫賢

春日輓女

蘭徑水流三月暮

萱幃花謝一度春

杏雨柳風蕭颯忽推女貞蔭

鶯啼燕語淒涼偏雜子規聲

夏日輓女

閨範羣欽方冀靈萱春不老

庭陰淒絕那堪慈竹夏生寒

四月初八日輓女

解脫拈花剛佛日

證明果因在仙霞

俞曲園輓吳平齋之母

歿於六月初八其生在五月初八日

有造福三吳之子又有造福三吳之孫先後謳歌盈茂苑
遞俗佛一日而生再遞
俗佛一月而卒去來縱迹在靈山

秋日輓聯

四海播芳聲久欽婺女星明絢爛祥雲輝五色
一門遵懿教報道夫人城隍

古今梅齋類稿 卷五下 女輓 二上海會文堂印行



中国国家图书馆 NATIONAL LIBRARY OF CHINA

襄陽何堅園序序母幸婢迷茫皓月冷三秋

七月產亡

織女星沉七夕簫聲悲引鳳

宜男草萎初秋花事騰牽牛

中秋輓女

仙娥明月是前身想歸真翠水丹林桂蕊靈香同郁烈 名士秋風添別恨漫寄

繩牀經案蟲絲落葉共淒涼

唐書王維妻亡不娶三十年孤居一室惟茶鑪藥向經案繩牀而已

某公輓沈葆貞夫人歿於中秋

夫忠女為林氏

為名臣女為名臣妻江左佐元戎錦繡夫人北史列女沈氏參偉業 以中秋生以中

秋逝天邊圓皓魄霓裳仙子證前身

胡梅卿輓陳母史夫人歿於重陽

漆室舊傳經記卅年燈影機聲人仰敬姜在東魯 斗宮新受錄正九日萸香鞠秀

天教壽母謁西王

冬日輓女

本來柳絮怕經風矧遭冰雪

修到梅花便是福好證因緣

輓節母

堅貞一世冰霜操

名節雙高松柏心

守節閨門一生志與冰霜厲

克全婦道千古心同日月明

守半世孤幃玉骨冰肌寒六月

厲一生苦節霜松雪柏凜千秋

苦志昔含熊誰云天道難知卻許孤兒成五樹 仙縱今馭鶴留得冰薇長在好教

末俗作金箴

某輓節母

畢生無忝三從憶紅顏居寡白首撫孤苦節矢靡他彤管十年光女史 中壽僅虧

四稔奈冷逼繁霜哀深朝露上真催歸訊紫車一夜返仙臺

輓孝女

百行孝為先委曲求全成至德 十年貞不字芬芳流播闡幽光

卜娛輓徐彤芬

徐母病就醫院醫彤芬偕往侍疾七晝夜勞甚母病愈而已以傳染猩紅熱歿于院

侍母疾不恤其身粵稽古孝娥罔俾專美 讀父書能知大義是真女才子亦赴脩

文

輓孝婦

豈徒內則無虧至行篤家庭婦職既全兼子職 遽爾坤儀失仰孝名傳史乘斯人

到底是完人

輓烈婦

閨中人何謂未亡要全備倫常大義

天下事最難一死莫錯認夫婦癡情

沙健菴輓某縣令子婦殉夫

舍生取義自古烈丈夫所為今也何時得斯女子

激濁揚清為我賢令尹之責

此舉見諸家人

許太眉輓陳烈婦

閨閣有完人身長逝性長存不忍卒讀者傷心別弟作遺書諄屬以舅姑兒女無

語 乾坤留正氣臣貴忠婦貴烈百折難回者割臂療夫終仰藥敬上之史乘家牒

而彌光

沈友卿輓錢烈婦

錢以產事為富室侵欺且廷辱之遂仰藥死

知恥近勇雖柔必強中材猶難况弱女子

奇矣富人哀此焚獨三復斯義告鄉先

生

某輓朱雲

雲嫁何屏如婚才半月何病死女吞金以殉

計時剛半月夫妻苦苦病魔纏不同衾偏驚同穴憶深宵灑淚焚香百叩嬌啼禱神

靈恩賜一線詎料醫庸手毒遽送入枉死城中冤乎哉歡會變分離問無情的造化

小兒教誰來點這姻緣簿 殉節擅千秋奇特悠悠魄共歎新鬼猶是新入想前

度換屍泣血幾番昏絕祝郎君盟記三生何期義重心堅竟決與相從地下命矣夫

未亡今已逝知解事有閻羅老子憑他去做個洞天仙

章景臣輓陳烈女殉夫

共姜入衛持三年喪除服後時已屬古今創例况乃身猶未嫁竟羞作未亡尚亦見

責春秋賢智難辭情過禮 杞梁之妻為十日哭投水赴義幾教天地含悲矧茲生

不同庖而死甘同穴藉以矯勵世俗女兒畢竟烈完貞

某輓殉節妾

一死何難他日不如今日好

千秋永訣小星終傍大星沉

輓貞女

抱璞天終身卓絕一生成至行

蓋棺昭定論留傳千古作完人

朱文定輓朱蘭波嗣母

在女而貞何異西山采薇未任抱為臣之節 誨子能似真合南陔執黍曰歸與失

母之悲

輓政界母

凡熊助苦封鮚資廉陶侃少為尋陽縣吏監魚池以魚鮚遺母母封鮚及書責之有是母乃有是子 隔幔傳

懿範忽空瞻民間猶動哀思况對白雲愴懷萱草 仙鄉渺何處子舍竟虛祿養不

易實甫代統一黨輓隆裕太后

本來生生世世不願入帝王家從黑暗中放絕大光明全力鑄共和普造金身四萬萬 以後歲歲年年有紀念聖后日為清史上現特別異彩同情表追悼各彈珠

又某聯集史

中國有至仁焉如史相改制度漢揚雄傳易服章國傳行政共和世衛羣生霑渥如漢相 后為天下計後漢馬紀尊大誼後史品紀威揖讓漢禮志追懷累德漢張衡傳百姓悲哀帝史五紀 太

吳擊甫輓李文忠夫人

相國垂聲千載配相國因之千載真千載難逢靈其奚恨 夫人來歸卅年封夫人亦及卅年極卅年榮遇公可無傷

曾文正輓胡文忠太夫人

武昌居天下上游看郎君新整乾坤縱橫掃盪三千里 陶母是女中人傑痛仙馭永辭江漢感激悲歌百萬家

又輓毛寄雲太夫人

訣別夫君十七年如今泉壤相從道有子為黃門給事 痛哭慈母一千里尚願水漿少進留此身立青史功名

又輓胡信賢太夫人

元女太姬祖德溯二千餘載 周姜京室帝夢同九十三齡

朱劍芝輓湯螯仙太夫人湯時為浙路總辦

誕育一代偉人倫同軌同為蒼生造福 壓倒千秋列女孟母韋母有彤管揚芬

輓政界節母

教令子以成名即今棠蔭流恩共仰政聲召卹伯仲 痛慈母兮隔世在昔獲機垂訓追思閭德歐孟頴頡

輓政界妻

世事皆可達觀惟鴻案多情踞坐鼓盆那堪莊叟 居官不遑內顧奈鸞絃中斷俸



中国国家图书馆 NATIONAL LIBRARY OF CHINA

錢營黃應痛微之

曾文正輓黃子壽太史夫人

得見夫子為文學侍從之臣雖死何憾 但觀人言於父母昆弟無閒其賢可知

輓軍界母

有賢母斯得賢子記曾詩詠尸獲于役當年呼祈父 膺顯職乃以顯親可奈願

反哺至情終古說王戎

雷晉恩輓鄧玉吾母

匈奴未滅何以家為有子忠同霍去病 白雲之下便是親舍此情痛甚狄梁公

某輓陳宦母

教子成韓范之名和丸畫荻方斯下矣 賢母自孟敬而後機聲燈影未嘗絕焉

孟心史輓黃任之祖母時當革命黃稟蘇督軍務

同仇偕作嗣續多賢即今墨經銜哀大義不忘齊九世 上壽百齡須臾不待差幸

桑榆駐影有生猶見漢元年

輓軍界節母

勵志柏舟詩撫孤備極劬勞當年璇室鳴機五夜青燈猶課讀 傷心護室圯撒手

竟違祿養此日瑤池返駕三軍墨經共含悲

輓軍界妻

如虎表奇才早聞襄華誓言應不為兒女長情使英雄短氣 離鸞悲短命綴極齊

眉恩愛還當撤安仁哀賦效蒙叟達觀

輓學界母

令子以讀書成名早歲文章驚海內 恨我未登堂拜母他年碑碣誦瀧岡

兒有雄文述阡後永叔一千年無此作 母之大德表里與天門十六峰同其高

某輓孟純孫母

得天厚宜迓天庥賢如敬姜其言布帛菽粟 非此母不生此子比于漢季有如徐

陳應劉徐幹陳琳應瑒劉楨建安七才子之四

又于佑任聯

今之孟母昔之孟母 兒有文章孫有文章

輓學界節母

令子已成名歐有荻仇有機茹苦當年恩罔極 賢母終獲報柏其心松其壽拈花

此日笑如歸

輓學界妻

戒旦慄雞鳴平時瑟好琴耽中饋多能勤修賢婦蘋蘩職
游仙回鶴馭此日欽霄
鈿落空閨吊影淒絕先生首宿盤

輓商界母

母教羣欽羨主器者經營才裕貿易信孚占蒙卦二爻共仰克家有子
壺儀頓
聞屬續時含笑從容遺言磊落備箕疇五福料應立地成仙

輓商界節母

如奈合藥矢平居教子成名孟氏擇隣賢母德
服賈牽車勤孝養事生送死王

撒社里人悲

王修母于社日亡來歲隣人舉社修感念母哀甚鄰人聞之為之罷社

章景臣輓簡照南母

簡即開辦南洋兄弟煙草公司者

勛令嗣為資本家挽回權利為慈善家拯救災黎生財有道亦散財有名長教致富
朱公治產南洋仰慰靈眷祖國
念賢母以青年婦守節撫孤以白頭婦持齋禮
佛倏然而來復倏然而去料得解禪天女歸真西土上登樂界勝人間

輓商界妻

學莊史鼓盆凡事須達觀留取精神作商戰
念孟光舉案游仙忽歸去終教戚黨

播賢名

某輓徐子靜妾 歿于臘月

且莫論態濃意遠憶十年車賄秋期貨殖佐陶朱難得風塵識豪傑
最可憐命短
才豐富一病歲華久盡仙游隨夢綠尚留冰雪證聰明

喪母

然天惟有思親淚

寸草痛無益母靈

慈體本康強烏養有虧樹背冀能延晚節
悲風倏淒厲黃泉永訣草心恨莫報春
暉

又父已沒

慈暉頓杳竟何之憶失怙以來猶冀久承萱草蔭
愛日雖長今已矣慟深恩未報
那堪重讀蓼莪詩

某喪母

我罪究伊何上無兄下無弟痛平時手足靡依顧影堪憐幸賴維持有老母
天心
胡太慘昔失怙今失恃悲此日膏肓莫挽回頭永訣猶聞冷暖卹孤兒

陳某喪母

古今極難類 卷五下 女輓 七上海會文堂印

憶昔年椿影先凋縱膝下有兒愁思豈能忘頃刻
念早歲薪憂幾殆倘牀前無母
餘生何以達今朝

輓祖母

南國嗣徽音平居几席承顏深感貽謀勤燕翼
西山悲日落此後枯椿動念不堪
回首抱烏私

輓伯母

懿訓夙親承高枝秀茁荆花內助羣欽鍾氏禮
遺容今宛在慈蔭遽推萱草中庭
哭倒阮家成阮咸為阮籍兄子

輓叔母

猶子比兒大好竹林游每以雅集清談歸告阿嬭
浮生若夢無端萱草萎此際放
聲號泣忍聽惠連

周位煥輓叔母

幼年失恃仰荷慈雲秋畫著賢勞分得恩情及猶子
遠道相依遽歌薤露蓬山嗟
縹緲更誰孤苦念零丁

顧崧甫輓從母

於妯娌念吾母之賢於子姪念吾曹之苦異爨廬同居慈竹長留遇事何曾分彼此
論居起以克勤為本論服食以克儉為先一朝竟千古嶺梅初放臨喪未免太淒
其

輓姑母

誼篤先姑光耀門楣叨慈蔭
思深猶子詩廣蘿葛寄哀思

高某輓姑母

陟此正街哀潁水流清竊冀慈雲長與覆
移床今已事蓬山秋冷仰看滿月倍添
愁

輓庶母

慈母如母貴父之命也
顧我復我獨子之閔斯

輓乳母

一飯當銘恩况保抱提攜祇少懷胎十月
千金難報德論人情物理也應泣血三
年

輓姊

憶當年抱向籬邊旦夕相依到耳書聲容我聽
賈逵年五歲其姊聞隣中讀書旦夕抱達隔籬聽之
痛今日



彌留牀上幽明永隔然鬚至性愧人多煮粥煨藥

供穀曾截髮共仰母儀駕鶴遽西歸痛姊音容從此杳煮粥未焚鬚有虧弟道

行竟中斷傷予手足何以堪

陳元瑜輓姊

聽書如昨與粟難追憶雁行半落秋風卅載悲懷都喚起餉饌何由唐鄭修家備夫人晨餐

夫人顧其弟曰我未及餐爾且可照心燎鬚莫及痛鶴子先期早露連番哀淚幾時乾

楊竹侯輓姊

我剛自虎林言旋正欣樂聚天倫詎知數日盤桓風雨歸舟遂成永訣姊豈赴

桃會去胡竟長逝人世此後三更寤寐淒涼妝閣恍聽低吟

陳元瑜輓王氏姊姊夫在

鳴鳳正霄偕奈梁案春融遽報星娥飛隕驂鸞應未遠趁總幃朝奠大呼月姊歸

來

謝某輓陳氏姊節婦

看旌烏列潁水名門當時迎養蘇臺折柳分襟信宿不言慚謝奉謝奉免官後遇謝安安欲慰其失官

奉輒引以他端雖信宿竟不及言此事教韋白佐與朝事業此際歸真蓮海麻衣桐杖奔喪最痛是

羊曇

金元憲輓未嫁姊

阿爺無大兒賴長女能知書計能共晨昏生小識艱難替得重慈多少力母氏更

勞苦念此後在枝炎涼在家眠食何人同照顧真教二老痛傷心

輓妹

談笑一家中成詠雪詩謝道當年才調原推爾羈愁千里外登大雷岸此後音書

待寄誰鮑照有登大雷岸與妹書

王某輓妹妹夫在

宅相未離懷忍拋夫婿隨姑去諸昆幸無恙還期吾妹告親知

某輓妹節婦

勁節勵冰霜定卜龍岡終有表衰年鮮兄弟可堪雷岸更無書

顧崧甫輓從妹

人羨陸家姑萬事補縫能愛弟張巡姊嫁陸氏為巡補我憐張玄妹晉張玄妹為顧家婦一

時榮秀不留春

某輓妹為人繼室者

不幸喪中年從今雪滿庭前無復同吟柳絮 最難為後母試問魂歸月下可曾有愧蘆花

姊輓妹

天生同命鳥中道分飛從今後想當初百八年尼數不盡歷歷心頭事 我亦可憐 蟲頻年多病問何時再相見大千世界料不定夜夜夢中來

輓嫂

紗懸自昔曾聽講盧虔妻元氏講老子道德經虔弟元明隔紗帳聽之 幃徹從今孰解圍王徽之弟獻之與容談講詞理將

謝道韞遣婢白欲為小郎解圍乃施青紗步障自蔽中獻之前議

吳掣甫輓嫂 兄已歿

嫂嘗有離鸞別鵠之傷今儻重逢泉路 我方抱斷雁驚鴻之痛奈何又送喪車

呂少牧輓嫂 兄在

嫂來歸我甫九齡回首當年相依真如母 病不起今止一月傷心至此何以慰吾兄

某輓嫂 兄在

行年甫四十春塊竟分離頓舍却七秩衰姑半齡季子 于歸纔廿一載釵偏中斷忍

使那兄悲炊白我憶解圍

輓弟妻

與我李共挽鹿車久傳郝法 奈王母修催鶴駕想伴何仙

又弟在

溯賢媛來自名門羣稱樸儉勤勞鮑宣妻亦梁鴻婦 嗟予李悼傷嘉耦忍聽淒涼 嗚咽吹篴韻雜鼓盆聲

又弟已歿

白眉不壽久痛鴿原幸空閨具歐孟風儀成就我阿宜杜牧 阿買韓愈 青鳥無情 遽催鶴馭留人世有郝鍾禮法料應是成佛成仙

悼亡

春江桃葉鶯啼濕 夜雨梅花蝶夢寒 寶瑟無聲絃柱絕 瑤臺有月鏡奩空

吾家婦不易為卿尚孝友同心一室未聞來閒語 今日事誰可料我便願期終老 百年難補有情天

陳蘭甫悼亡

已到暮年名曰悼亡實倍老

不妨多病君今先去我還留

饒心耕悼亡

本八字按排以致累卿貧到老

作一番打算自然先我死為佳

楊閣山悼亡

天下無不散之筵席似爾我八旬已過存何喜歿何悲三歲春增奇則奇被卿先去
人生最難堪者遲暮縱子孫四代相依耳也聾目也瞶九原有覺等一等看我就
來

黎虞廷悼亡

十一年交謫無聞雖對泣牛衣仍是團團况味悵今日窮愁更迫臘七齡弱女五歲
癡兒百感茫茫我未成名卿已逝 廿六載塵緣太速念相莊鴻案誰分奉養勤勞
歎平生責任未完有白髮翁姑青燈孀母兩情惻惻存猶抱憾歿何安

某悼亡

算來半世夫妻吃也愁穿也愁把你都苦死了 丟下千觔擔子男不管女不管到
比我快活些

程德祺悼亡

苦我盡頭祇餘薄命糟糠猶歸天上

勸君來世不是封侯夫婦莫到人間

俞曲園悼亡

四十年赤手持家卿死料難如往日

八旬人白頭永訣我生諒亦不多時

羅伯誠悼亡

勞勞三十載君獨賢百事乖百事哀清夜只餘呼負負 茫茫九萬里吾誰適一身
病一身老仰天誰與和烏烏

趙厚之悼亡

如卿冰雪聰明壽考原知無分

我亦泡幻身世別離應不多時

某悼亡

念此生何以酬君倘死而有知奉泉下翁姑依然稱意 論全福似應先我顧事猶
未了看牀前兒女怎不傷心

陶某悼亡

誰喚卿卿挽卅載鹿車賢于截髮廬中鏡匣中琴笥中衣篋中鍼綫安排瑣屑即物
生情依然莫港村居怎奈堪月冷繩牀風淒經案 予懷邑邑過五旬糜壽悲到同
心翁又衰媳又寡兒又弱孫又童蒙喪祭冠昏無人內助看徧蓮花世界想此去團



圖家子笑語慈姑

陳某悼亡

泣花有夢服藥無靈痛牀前綻膝蓬頭誰堪失母
挽鹿猶難續鸞矣自顧厨下
鹽丰粟待付何人

某悼亡

卿竟嗔乎最難家婦初來料米量鹽都未習
吾其衰矣尚有少男太稚酸風苦雨
不知愁

金秋寶悼亡

歷艱辛嘗險阻貧家婦信難為痛今朝鏡破釵分欲圖夢影重圓除異世再同青玉
案習荆布屏綺羅半生儉應可法奈塵海颺馳電掣贏得褶痕如舊到秋宵怕檢
鏤金箱

李望仙輓繼妻

千里遠諧鸞鳳撐支門戶勝似丈夫那堪薪未榮懷空費卿百轉柔腸難帶些須泉
下去十年兩折鴛鴦問訊夜臺應呼姊妹倘使藤蕪憶舊當念我獨居苦况相邀
同入夢中來

輓未婚妻

爾何人我何人無端六禮未成惹得者番煩惱
生不見死不見倘若三生有幸願
圖來世因緣

某輓未婚妻 十九歲歿

悼亡猶未賦于歸痛貧家婚禮愆期已過上殤三歲
同穴不妨權變古縱異日俸
錢營奠可能下慰重泉

輓妾

不合時宜惟有朝雲能識我

獨彈古調每逢暮雨倍思卿

某輓妾 歿于五月

風信落華鬢照眼榴花剛五月

香魂招楚些多情桃葉倘重來

蔡爾康輓妾楊翠芬

瘦骨怯風姨吊夢歌離竟賸我今茲未死苦憶合歡蕙帳蠶縛情絲送別蘭舟鴉啼
血淚三年中疾為儂起病為儂增仕交集蠅讒冀終聯繫足因緣入窠臺而登蓮室
遂乃金錢暗卜安排種玉良謀瑤珥潛捐準備投珠密計經萬種綢繆宛轉果然偕
隱梅花只坐愁獨占孤山艷福折寒儒轉眼容光溘朝露
癡心邀月姊高呼低問

可知卿能否重生妾期通驛黃泉驚迴仙馭返魂碧落龍吐奇香一時開枕看汝推
衣看汝攬喜再諧鴛鴦願私創齊眉格調起色界以證清禪何圖寶鏡菱蕩冷落
裳舊影銅鋪薛蝕銷沉蓮絲新痕儘千回泣涕漣漣那許重迎桃葉矧慘說同歸
塚禍胎傷稚子斷腸誰與念秋霜

輓媳

婦道克全暴虐矜纓猶在目

見禮內則

人寰遽棄高歌薤露不堪聽

王止軒輓媳潘氏

潘隨父至京父母歿運柩回籍
撫視弟妹多年始嫁以產卒

自五鬢隨宦之京將迎筭醴連折椿萱啼噓兮率六尺遺孤扶三棺回籍同聲稱
悃鬢眉迨辰年喜賦于歸兩部咸誇嘉耦福 溯十載事姑猶母儒素安貧女紅
巧奈何哉痛一男甫索恨二豎先櫻奇厄比焚巢毀卵念子舍神傷無語九原更為
望夫悲

壽鑑湖輓姪媳

恩育五息幼尚三人想甚仰望其夫君願消瘦仲容仲容阮咸字慎勿過彈搜盡淚 恭
勤一身壽僅四紀不克大加於吾嫂使衰頹叔舅能無追觸所因悲

哭女

生性最聰明撫病榻詩書猶增悅悼

沈疴失調懾痛貧家兒女半死饑寒

某哭已嫁女

三載奉姑嫜可憐他孝養未終此別竟成千古恨 九原逢阿母為道我精神大減
不知能混幾年來

吳柳堂哭已嫁女

吾婿無生悲念地下相隨代奉舅姑終婦職 汝歸何太促痛天涯遠隔不聞父母
哭兒聲

某哭已嫁女

丁亥前未曾有汝汝去又安有吾落落蟬蛸生老父之留今暫耳 既嫁後三年哭
夫夫死一歲哭女沈沈苦孽海高天相搯嘻深哉

陶某輓姪女

幼失恃長失怙齋辛荼苦半世備嘗喜汝婦職能勤并向親操勉撥劫反延舊澤
夫在外子在抱破壁寒燈一朝溘逝值我兄喪未奠哀傷迭邁慘揮老淚對西風
顧崧甫輓未嫁姪女

天者誠難測神者誠難明冀汝有家客去南方常記憶

病吾不知時歿吾不知日

終年待嫁書來東野劇悲哀

輓外祖母

母教溯來源方欣祖竹秋高日日平安傳兩字
孫行幸忝附詎料靈萱霜冷淒淒涕淚泣重慈

陳某輓外祖母

哀病迫重慈頃刻人天母氏悲懷何日慰
官游憐伯舅蒼茫嶺海客中靈耗幾時知

某輓外祖母

想外公亦越古稀每聽阿母長號轉使老人多灑淚
近狀為言宅相恐無成念吾父應逢地下倘問諸兒

輓舅母

懿訓昔難忘霜萎靈萱自顧庸愚慚宅相
慈容今頓杳風噓小草未曾報答到春暉

始氏夙垂憐愧樗櫟菲材未符宅相

某輓舅母歿於中元舅尚在

孀星悲忽隕宰桂蘭競秀丕振家聲

小子輒四方奔走衣食問訊有虧而今蕙帳風淒莫補外生躡履禮
賢母以中年事故感傷構成斯疾剛值蘭盆會建慘聞舅氏悼亡詩

王某輓舅母舅已歿

休說起魏陽元慚寘氏相虛莫報答三春愛日
纔哭了謝安石俟羊曇酒醒又難留一朵慈雲

輓姨母

恩誼畧同甥舅與吾母姊妹連枝頓失慈雲勞想象
往來無間譚邢維小子童蒙寡學緬懷懿訓劇悲哀

輓表姊妹

誼屬表親昔年聞柳絮低吟早已才華推道韞
儀嫻內則此日聽薤歌哀響空留誠語說班昭

某輓姑表姊

昔日涓陽鍾愛恨吾姊不是男兒今茲女史流芬我先考在天有靈亦當引慰
暮年竇桂齊芳羨賢母方饒晚福遽爾仙班證果羣公子孝思罔極能勿哀號

輓表嫂

古今類纂 卷五下 女輓 上海會文堂印行



忝屬李盧親憶平時趨造潭門淑德久傳賢內助
長留歐孟範美哲嗣繼承先業
遺謀不墮舊家風

輓太岳母

甥館列孫枝名門幸坦東牀喜得併蒙托重蔭
慈闈推祖竹仙馭遠歸西土空教
涕淚灑千行

馬浮輓太岳母

九萬里遙返馬時由美歸國登堂曾一叩興居憫賤子飄零無父無母無妻追念女孫揮老淚
七十古來稀紀算况六增寒暑願太公珍衛多男多福多壽長分愛日照孤維
余郵輓太岳母鍾夫人

高年逾七秩壽母咸欽猶憶夫擲果含飴女孫居長雀屏緣在幸屬鯁生當時晉謁
慈闈輒蒙一笑開顏十分温諭 揖別未八旬婺星忽隕所恨者奔衣走食旅客偏
遙鶴吊願違空揮鮫淚異日言旋故里惟拜堂前遺像原上新塋

楊竟成輓太岳母

本楊之祖姑

語在室祖父行語在戚祖母行尊也而親方期海屋添籌共把詩篇抒壽帳
服袒免情不許服小功義不許禮原有殺惟是絲麻盡制敬將高里寫哀詞

輓岳母

獲選昔乘龍自入婿鄉蒙厚愛

游仙今駕鶴何堪甥館香慈雲

李純客代從弟某輓岳母

某之岳父尚在母有三子皆入仕途某隨其次子之福建長樂縣任

聯貂新積笏三珠堪慰慈懷欣看萱室長依冀鼎案齊眉湛露九霄歌晉爵
射雀幸登堂五馬得依賢嗣痛劇橋船信至正瓢峰極目孤雲千里望加餐

陳某輓秦岳母

淮海託慈雲竊期幸子緣深長與聯珠同鶴舞
湖山沈愛日猶幸四明歸早得教

弄玉罄烏私

某輓岳母

岳父已歿

山頽甫慟水逝重悲况內凡花縣遙分尚滯星奔回梓里
愛日方長慈雲遽斷念賤子婿鄉忝列何堪雪淚對萱堂

陳元瑜郵輓岳母

將母正傷心望跋秦臺竊冀慈雲留廣蔭
游仙安駐跡愁鷄庚幕莫揮哀淚拜靈牀

某輓岳母



林壬肇錫花甲將周想佛果初圓遽爾神歸西竺 桂蕊方榮萱陰頓萎痛母儀不
再空教淚灑東牀

趙某晚岳母

五十年勤儉持躬上事其姑中助其夫下教其子爭說壹儀不留缺憾惟桐虛孫蒙
木尚女貞忍赴蓬瀛棄塵世 半生來苦甘易境始困以遇繼豐以產終晉以封
欽淑德勿改初衷奈西竺旋招東床失庇莫從泰水認慈航

輓伯叔岳母

懿德重梓桑况屬南宮叨慈蔭 後昆羅蘭桂好憑中壘寓微音

著者有列女傳

某輓伯岳母

淑慎半生能相夫能教子正期七秩圖開壽綿東海 起居八座為命婦為壽母詎
料九秋婺掩淚灑南宮

單謙輓叔岳母

夫人洵可稱福慧雙修譽周三部壽逾六旬二月前喜獲曾孫湯餅宴初開方欣頤
養增綏庭茂紫荊觥酌兕 內子直視作親生一體誠示七篇訓詳四德廿載餘情

同己女涓埃思未報何意膏育成疾香飄丹桂駕乘鸞

輓內姊妹

聆細君私語姊妹花殘

聽岳母悲聲女貞本壞

陳元瑜輓內姊

曙後悵星孤幸玉樹分榮十載教兒開舊帙 秋邊悲月冷念璇閨偷淚幾時哭姊

減新愁

又

謝樹繞孫曾恨紀年籍誤桃枝竟使稀齒虛一歲 殘花憐姊妹悵問疾行遲蘭舫
已先昨夜隔千秋

顧崧甫輓內妹 死者二子呼顧婦為義母

後姑嫜八月歿孺人與我婦同胞有兩姊一弟一女弟總難忘椿蔭生寒萱慈垂老
先夫婿三歲生令子視吾家好義呼阿姨如母如親母萬不料長君失恃次息靡

依

輓內嫂

蘿薦喜鯨生幸締雀嫂之淑德久聞最堪甥館來游旨酒嘉肴頻勞中饋 羹湯遣

小姑先嘗內子每前塵回溯詎料仙鄉遠返椒漿桂醕空奠靈牀

史某輓內嫂史續要

梁案正相莊念茲十載宜家應感玉簫揮竹淚 萱悻悲早逝憶我兩番作婿幾多金縷費蘭心

輓太親母

姻好結朱陳得托慈陰竊比蒹葭依玉樹 母儀傳歐孟無端病葉那堪蕉萃到金萱

賀某輓太親母

母本多情屬纊已經時盼到新人心尚熟 姊真薄命許盟纔半月未諳姑性淚先傾

陳元瑜輓太親母其妹尚未過門

金萱已老玉樹初榮正資養葉宜家相同心操井臼 鳳翽初占雁鳴未賦却待穠華歸妹為誰洗手作羹湯

某輓太親母

萱影正向榮懿歎夫人正好頤期稱壽母 羅絲幸忝附傷哉吾妹頓揮血淚哭慈

姑

輓男親家母

萱帶正論年何堪舉案愁鴻駭聽悲聲傳婦諱 羅絲新結好可惜吹簫引鳳空尋

舊曲想姑恩此聯係親家尚在

有弱女感姑恩為言辛苦持家十載傷心搔白髮 勗諸兒成父志會見聯翩競爽

一門接踵到青雲此聯係親家已歿

魯某輓男親母親家尚在

贈鯉佐蕭郎方期弱息春歸百歲紅顏長侍笑 九熊七柳母從此佳兒夜讀三冬

青紫自勞心

輓女親家母

鳴鳳卜其昌剛欣衰落寒家幸依玉樹 求凰聯夙好豈料窈窕淑女遽失金萱

吳某輓女親家母吳前一年方喪偶

佳偶羨偕臧何期笑并泣花舊夢隔年偏續我 故妻應及見倘話婚男嫁女隱憂

長夜莫銷魂

賀某輓姪之岳母

相夫稱我邑名人向夢遽侵尋獨報潘令悼亡春到河陽花亦慘 有女作吾門佳
婦婺光初黯淡愁煞阿咸失望游從林下竹猶寒

輓姻伯叔母

拜母昔登龍仰天姥峰高竊幸蒹葭叨戚末 游仙今馭鶴痛夫人城隕忍聽蘭桂

慟悲號

輓世伯叔母

郭泰拜茅容雜泰留賓白粲感叨賢母饌 范逵交陶侃范逵過陶侃家侃雁行深

座綠衣慚識少年名潘孟陽為戶部侍郎母劉夫人令會同列觀之曰未坐綠衫

輓師母

鴻案正相莊痛半世荆釵彤史遽亡賢德耀 鯉庭叨陪侍對後堂絲竹絳幃望斷

老彭宣

項某輓張李直夫人

夫人提倡女學捐資設育嬰堂

甄規音區規裁木為器曰三十年相吾師扭轉乾坤崇儉習勞感德不渝亘今古

縱橫五百里為女界別開天地垂養脩教仁風豈獨被通如南通如皋

蔡元培郵輓田春農夫人

故誼溯通家更侍傳經章母帳

他年旋逝旆不堪憑軾鄭公門鄭康成

黃漱六輓郭階三夫人

授經隨紗幔諸郎數末座少年曾許黃裳堪大器 來帛具生芻一束幸南州孺子

得交郭泰是儒宗郭泰母死徐孺子致生芻一束而去

顧某輓太師母

入室坐春風那知鶴髮婆娑隔幔先聞賢母訓 登堂泣孤露話到熊丸咀燕及門

難解我師憂

余郵輓太師母夏母

余與母未覩而

萱堂矍鑠方期慈壽無疆溯從前立雪坐風習聞函丈雅言久諗母儀同魯敬 梓

舍淒涼料得我詩廢讀恨比日奔衣走食未及師門隨侍親敦匠事愧充虞

輓女教習

閨訓永昭垂為仇為歐戚鄙成欽婦德 校規資整理亦師亦母生徒頓失女宗

輓女學生

休說道賦茗清才脩業備各科以女兒家講求實學 怎現出拈花妙相游仙歸何

處向兜率天證到前因

輓義母

早歲托慈雲喜蘭砌叨恩心同保赤 霎時聞薤露痛萱堂息影目斷垂青

屠貽謀輓田母

視我如子於我子更若已孫十八年慈愛迭加慚荷殊恩圖報稱 問疾頻來詎疾來轉成不起一二劑溫涼互進竟無上解辦膏肓

輓友人母

拜母已無緣那堪鶴弔陶庭陶侃母喪有二客來弔不芻陳郭宅 教兒惟有義留得譽傳歐荻賢紹孟機

拜謁屢登堂每當酒熟茶香款洽淹留雞黍具陳慈母意 蒼茫長作古正值烏啼

花落悲涼沈痛塊苦應斷嗣君魂

周瑞松輓劉瑞芝母

故園無藥寄當歸姜維歸蜀得母書令求當歸 湘浦月隴山雲長倚門閣彈老淚絕塞從征悲遠志游子衣慈母綫那堪羈旅泣春暉

某輓友母

報母幾人能幸游子早還未負縫衣當日綫 望夫三載泣料仙翁先去特迎弄玉

後來篇

鮑德馨輓友母

卅載持家於顧陸名門見孟歐風範 一朝厭世有躄踊孝子共羅拜孫曾

孫可龕輓謝母

策駕悔官寮羨盟心白水三若溪名同清頻年書遞庚郵封鮪與聞傳母訓 駭鸞歸佛國想撒手紅塵重泉無恨可奈血枯子舍丸熊苦憶作兒時

果輓友母

春風風人夏雨雨人人感新恩近依樾蔭 解衣衣我推食食我我懷舊德遙酌殯宮

田某輓湯塾先母

夫人由貧困起家五夜手經為韓伯製袴晉韓伯字康伯母殷氏家貧至大寒母一

丸膽苦課柳郢讀書計畢生慈訓劬勤教成國器舉凡鐵官鹽策進退有餘壹是皆知承壹德 令子以孝恭秉性早歲乞養仿虞潭闢堂虞潭拜武昌侯太夫人孫氏

閒居奉親繼潘安著賦潘岳為河陽令選黃門侍郎其母曰爾當知足乃作閒居賦 痛數日宿疴綿悵催返仙輅

今者贈賻題棺奔馳會葬千言朗誦表阡文

又章授聯

右今極難類 卷五下 女輓



中国国家图书馆 NATIONAL LIBRARY OF CHINA

有子管葛天下才善於事親不以三公易其介 大母陶湛女中傑行為世則能令萬人哭之哀

又傳來子聯

維太夫人處貧賤如是處富貴亦如是足與魯敬姜並垂青史 有翰林子薄州縣不為薄監司又不為殆鑿秋梁公空望白雲

某輓友母

昆季幸同官昔曾母教叨聞知膝前競爽機雲都鑄從五夜杼聲十年秋畫 劬勞悲陟祀我亦慈幃永訣倘天上相逢陶柳應共話兩家蘭桂一代滄桑 輓友人妻

弱息繞牀疑母寢

離魂留夢侍郎歸

相夫子持家任其勞不享其福

遺兒孫治命止乎禮更達乎情

張文襄輓凌仲嶽妻

橘枳弗能良劇憐佳婦佳兒臂肉難充王母藥

蘋繁誰共采空使一絃一柱淚珠

愁寫玉溪詞

李商隱無題詩或謂係悼亡而作

范肯堂輓項晴軒妻

其夫貧而樂婦可知矣

有子賢且文母何恨歟

某輓魯月峯妻

每到黃昏常恨人間圓月少

相莊白髮偏逢我輩剋星多

某輓友妻

式鄉閭疇嗣徽音花姑雨泣竹母風號鶴吊一時悲屬續 相夫子羣稱賢助寶瑟

絃僵瑤臺鏡缺鳩扶隻影悵含飴

某輓友妻

孺人安在忍拋却白頭二老黃口雙雛更夫婿中年對此破鏡臺邊淒涼照出孤鸞

影 吊客胡為苦吟成南國七哀

曹植王粲張載皆有七哀詩

西堂六憶

沈約有六憶詩

入斷絃琴裏嗚咽彈來別鶴聲

孫寄龕輓吳少伯妻

聽曉蘭泣蕙不堪羈角淒涼祇經年藥裏魂返無香可奈神傷奉倩 數膳藿新槐

耐盡糟糠辛苦凭他日藁砧齋營有俸也應腸斷微之

又輓費可尊妻

角雲迷斷夢費角人官於湖妻偕焉算十載蓬壺井白大千酬了塵緣隔人天魂返無香痛絕

眼前邁母妻母來 心上慈姑垂死牽腸惟二老 湖月照歸神度一年圓缺陰晴

半看從病榻任夫婿愁來有酒傷哉仰乳雛兒扶牀嬌女何時瞑目到重泉

龔定盦輓吳紅生妻妻無子 吳有妾

風雨我來頻憶昨秋宵盃朋尊屏後搗重陽菊葉 珮環仙去早祝來歲繡綉文襟

墓前拜寒食梨花

俞曲園輓江小雲妻仇氏仇通文史臨終時有 自題一聯見後自輓

以巾幗中人常落落然有儒生氣象有豪傑襟懷日對青史一編迴異尋常脂粉輩

當繇後之際所奉奉者在祖宗懿訓在兒孫家法手題總惟數語豈惟明白去

閒

輓友人喪第三妻

絃斷最淒涼至於再至於三胡天獨不哀吾友 盆歌真曠達孰為來孰為去忘情

宜早學莊生

輓友人妾

分處其難不畏難不逾分是當於賢婉中求之固宜永訣傷懷夫子夫人齊涕泣

積勞成病猶諱病猶任勞無非為幼冲者計耳聞道臨危握手小兒小女徧摩挲

某輓友人妾

開緘讀雁帛遺書謂護花無力反促花齡數行字舊雨拋來此境何堪設想記去歲

曾攜嬌鳥早出樊籠獨遇着鶴唳風聲隔居漢水及得電聞阿憐病矣汽笛催殘急

飛鳧而東下玉簫吹斷竟引鳳而西歸蒼天施報太朦朧對此蜨怨蜂愁眼中景意

中人薄命那知還短命 撒手正龍華勝會想作佛有緣頓參佛法六如偈金剛經 一切有

為法如夢幻泡 影如露亦如電 朝雲懺破霎時未免忘情念從前舞罷驚鴻尚留韻跡怎能夠蘭因

絮果盡付江流且舉杯為吾友勸焉牡丹亭畔不理倩女之魂金谷樓頭莫灑齊奴

石崇 小字 之淚紅粉銷磨雖易易或者輪迴劫換星重光月重耀他生重與共長生

輓友人喪女

孕海樓頭留與斯臺下玉鏡 香山社裏那堪吾友哭金鑿白居易詩行 年欲四十有

女曰 金鑿

輓隣母

綠揚明月兩相輝喜晉接有緣常向隣家親孟母 黃葉西風一揮淚儘悲涼無限

更於何處拜湘君

俞曲園輓隣人母



青燈四十載獨抱冰心歎膝下佳兒止存雙鳳閣中貞女先跨孤鸞老景逼桑榆情
死枯楊遭閨厄 丹詔九重天特褒苦節算萱花慈壽已過七旬桐樹孫枝剛符
士高風標綽揆平分清籟到隣壽

輓隣人妻

同里本相親常看少君提甕汲

隔籬欲呼飲忍聽莊叟鼓盆歌

女子輓友

入夢想從君鶴背恐嫌凡骨重

遺真添畫我飛仙可要侍兒扶

莊紫詩輓某氏

某以中年棄家學佛生平於所善則愛之甚於所惡則仇之甚

勤破兒女便是英雄英雄結果恃有勇猛心決成菩薩 嘔出肺肝贈與知己知己
無多願歷千百劫相忘恩仇

某女輓女友

懿範可親一種溫柔真我友

勞塵方息十分驚慟撫君兒

女子自輓

我別良人去矣大丈夫何患無妻願他年重訂絲蘿莫向生妻談死婦 兒從嚴父
訓哉爾小子終須有母倘後日得蒙撫養要知繼母即親娘

仇氏自輓

平生儘為誰忙代夫子辛勞敢言人已 家法原非我設把祖宗懿訓敬告兒孫

楊軼羣自輓

十年為婦婦無成恨事翁不逮事姑不終辜負有情郎痛深鯨淚 一語告君君須
記歎夢熊未卜夢蛇未協毋戀薄命女緩續鸞膠

陸玉珍自輓

嚴以律已薄於責人此意莫忘我自安神泉路 但守清貧勿求濁富時艱日亟汝
宜努力前途

輓夫婦雙亡

恩怨兩忘公能富公更能貧白髮蕭然破鏡殘書過七秩 始終一德母同生母且
同死黃泉何處空堂暮雨泣雙棺

曹亮輓彭某夫婦

六十年花甲同周是木公住世是金母現身特地賞清閒風月 第一峰蓬萊共赴
看白鶴凌雲青鸞披霧大家拜和合神仙

鄭仁圃輓廖某夫婦

古今楹聯類纂
卷六
卿霽煥朱門石奮郎君皆貴任

仙風飄絳節劉綱夫婦並歸真

丁某輓徐班侯夫婦雙溺

齊年臻上壽

大海落雙星

俞曲園輓潘某夫婦

皆五十一歲夫卒于二月十九日婦卒于六月十九日

佛誕誌觀音最難伉儷歸真李夏仲春同逢十九日

仙籌添大衍卻好期頭分喜

錦琴瑤瑟合成百二年

古今楹聯類纂卷六

投贈類目錄

投贈通用

贈政界

贈大僚

贈知事

贈軍界

贈宦歸

贈世家

贈名流

贈學界

贈鄉老

贈商界

贈工界

贈農界

贈醫家

贈痘科

贈眼科

贈牙科

贈卜易家

贈星命家

贈相家

贈堪輿家

贈僧

贈道士

贈妓



古今楹聯類纂卷六

投贈類

投贈通用

高懷同霽月

雅量洽春風

鴻才推杞梓

碩德擬圭璋

清標凌玉澈

淑氣烹川澄

高譚滿四座

豪氣橫九州

芝蘭氣味松筠操

龍馬精神海鶴姿

澈底心源涵水鏡

凌雲氣概貫虹霓

潤到圭璋成品格

堅於松柏見精神

神如秋水十分靜

性似春醪一味醇

青萍白璧原無價

天馬雲龍自不羣

魁梧品格三峯玉

湖海襟期百丈瀾

道從文質殷周外

人在清和夷惠間

高閒可並陶貞白

慷慨還過魯仲連

清標亮節晉三錫

大福鴻名謙六丈

芝蘭氣味春常滿

冰雪襟懷夏亦清



藉甚聲華金鼎重
朗我玉田裴叔則
厚矣福祿根天性
雅量今之黃叔度
為有才華多蘊藉
公瑾情懷濃似醴
作聖之徒定而靜
胸藏子美千間厦
叔向訥訥百間屋
褚虞文雅唐貞觀
蘊義懷仁澄波萬頃
對周公瑾若飲醇酒
圭璧方圓自中規矩
風骨嶙峋泰山喬岳

贈政界

湛然心跡玉壺清
照人秋水李延平
卓然風範表儀型
澹懷古有韋蘇州
卻從樸實見風流
山濤風度渾如金
見壽者相和且平
氣壓元龍百尺樓
和嶠森森千丈松
王謝風流晉永和
資忠履信直幹千尋
見裴叔則如行玉山
淵嶽渟峙莫測高深
襟懷瀟灑秋月晴雲

翰林風月三千首
才畧指揮天下事
範世有為兼有守
千秋藻鑑山公疏
六藝文章華國表
鳶鷁凌霄仙姿颺舉

贈大僚

和風甘雨賢臣頌
范老心終存廊廟
九天星象占南極
茅檐共戴趙衰日
春風桃李梁公第
山川出雲作霖雨
汾陽大富貴亦壽考
進思盡忠退思補過

吏部文章二百年
經綸原本古人書
宅心先實不先名
一代菁華吏部文
五經才調治安書
驂騑得路天骨開張

晴雪梅花宰相詩
寇公家不起樓臺
萬里風雲接上台
海宇欣逢傳說霖
夜雨芝蘭謝相家
日月合璧為文章
廬陵蓄道德能文章
誠能動物善能養人

黼黻文章名標鳳闕

經綸模範品重龍門

翁同龢贈李鴻章

中國相司馬矣

老子其猶龍乎

某贈張之洞

師事幾人心北面

感恩知己首南皮

吳蘭雪贈阮芸臺

陽明講學收羣彥

諸葛宣威鎮百蠻

某贈沈幼丹

人望昌黎如泰山北斗

帝命傳說作舟楫鹽梅

林文忠贈某達官

通侯門第雙龍節

才子文章五鳳樓

汪碧山贈姚亮甫

時姚開藩山右

既儆既戒惠此中國

來自來宣至于太原

鍾西芸贈曾文正

集爭坐位帖字

文中子之門出將相

郭令公所至如天人

贈知事

五柳先生陶靖節

九江司馬白香山

刺史四知驚暮夜

廣文三絕冠當年

著述欲羅山大小

循良應並漢東西

為國為民具真經濟

以養以教是賢父師

阮芸臺贈魏春松

時魏守揚州

兩袖清風廉太守

二分明月古揚州

梁荏隣贈趙雨樓

趙由直樞出守鎮江

醉中擲筆金鑿殿

睡起鳴笳鐵甕城

某贈曹某

時曹為彭澤令

二分山色三分水

五斗功名八斗才

宋芸灣贈伊墨卿

時伊守惠州

南海有人瞻北斗

東坡此地即西湖

林文忠贈張某

一縣好山留客住

五溪秋水為君清

孫寄龕贈杜晟庵時杜之官泗州

待紀循良聯名父

會兼謀斷協房喬

又贈石子韓時石推漢關

萬石風流傳閩閱

一時文藻滿江關

贈軍界

五關勲業長城固

銅柱威名遠徽垂

春風楊柳瑠弓影

秋水芙蓉寶劍光

大戟長槍丈夫事業

輕裘緩帶名將風流

劉瀛洲贈張耀

西域橫行班定遠

東方大治管夷吾

贈宦歸

務觀萬篇半皆歸里作

啟期三樂全是達生言

盾鼻弓衣行世文章皆事業

屏風團扇還山官府即神仙

李嘯村贈鄭板橋

三絕詩書畫

一官歸去來

某贈沈均堂及其子希人

鳴鶴在陰其子和

鴻飛遵渚我公歸

余小霞贈汪西芝

菜根滋味知君慣

潭水交情愛我深

范肯堂贈別汪劍星

為政十年心經緯百方除太甚

臨歧一尊酒綢繆萬語望重來

曾滌生贈何廉昉何寓揚州

千頃太湖鷗與陶朱同泛宅

二分明月鶴隨何遜共移家

贈世家

金貂傳幾葉

鐘鼎勲庸大

禮樂光輝盛

杏是春風及第花

相為奕世承恩樹

家有蘭臺石室香

人多瑤草金莖氣

玉露春滋九畹蘭

彩雲晴護三珠樹

家聲麟鳳國器圭璋

祖武箕裘皇猷黼黻

家聲麟鳳國器圭璋

古今楹聯類

卷六 投贈

四上海會文堂印行



中国国家图书馆 NATIONAL LIBRARY OF CHINA

梁章鉅贈張雲浦

老蘇文學能傳子

小宋才名不讓兄

萬浣雲贈潘榕皋

洋藻重游洋笙重聽瓊林重宴

老子壽星哲嗣德星賢孫文星

林則徐贈梁章鉅

曾從二十石起家衣鉢新傳賢子弟

難得八十翁就養湖山舊識老詩人

贈名流

海為龍世界

天是鶴家鄉

高志局四海

豪氣溢九州

風流人物東西晉

臺閣文章大小蘇

千頃澄波黃叔度

一時文采阮元瑜

當代名流翕然崇尚

夫惟大雅卓爾不羣

朱野雲贈龔定盦

灌夫罵坐非關酒

江數移牀那算狂

某贈陳伯熙

詩成擲筆仰天笑

酒酣拔劍斫地歌

吳晉士贈金粟香

忽發狂言驚四座

分其餘事了十人

何廉昉贈金粟香

身行萬里半天下

眼高四海空無人

黃之紀贈袁隨園

到處自開詩世界

無人不拜老神仙

蒲怵贈袁隨園

六代雲山隨杖履

一園花鳥盡聰明

王澤三贈友某

白練裙黃紬被紫綺裘草聖詩伯酒仙鄭虔三絕 玉條脫金僕姑鐵如意美人英

雄名士何偃一雙

贈學界

英詞潤金石

高歌越璠璣

文章耀五色

聲價值千金

文傳天下口

書見古人心

秀句滿江國

芳聲騰海隅

白也詩無敵

褚公書絕倫

才擬石温空冀北
妙手文章飛鷺鷥
韓歐蘇柳文章伯
閔曾孝友朱程學
南宮學士一船畫
晴雪曉窗圖筆陳
子美集開詩世界
詩有萬篇陸務觀
七日南山看豹隱
肩隨洛下東西陸
詩思妙融高嶺雪
兔毫潤挹三霄露
文如秋水波濤靜
文章久許題黃絹
氣味摩東西兩漢

學如袁謝秀江東
法家書翰舞虬龍
濂洛關閩道學宗
韓柳文章李杜詩
北苑先生萬卷書
涼鐙夜雨語琴心
伯陽書見道根源
書成五筆洪容齋
九天北海快鵬搏
胸貯淮南大小山
文瀾直溯大江潮
鴻藻雄吞八月潮
品似春山蘊藉多
姓氏終教護碧紗
骨格入唐宋八家

持旌文陣傳騷將

主席詩壇按墨兵

右軍書法工無敵

度信文章老更成

雄文不減陳驚座

好句爭傳趙倚樓

霽月光風人欽茂叔

泰山北斗士仰昌黎

惟文字可傳其抱負

有聞望不老於山林

虎卧龍跳圖成筆陣

鳶飛魚躍品重儒林

曾國藩贈李竹吾

文涵萬古江山氣

道續千年絲竹聲

劉葆真贈金粟香

天祿琳琅異書坐擁

風流儒雅吾鄉人師

張筱園贈金粟香

靈運詩篇工述祖

康成經學喜傳孫

殷彥采贈王漁洋

天下文章莫大乎是

一時賢士多從之游

陶怡雲贈袁隨園

古今極辭類

卷六 投贈

六 上海會文堂印行

方朔少時二十萬言書盡讀

傅隆老去八十餘紙手親抄

屠後園贈蔡東軒

范文正作秀才以天下為己任

胡定安居教授識弟子於其師

桂丹盟贈某

海內文章老泉傳軼轍

江西詩派山谷得徐洪

孫寄龕贈王祥生

集蘭亭叙字

樂由靜得文自情生

氣引風清品齊山峻

又贈徐柳泉

韓潮蘇海百代文宗

赤水丹山四明福地

贈鄉老

檻外琪花唐粉本

酒邊玉麈晉風流

十畝園登太平稅

四時花引老年人

未忘揮麈清談興

尚讀蠅頭細字書

尋梅騎驢一天風雪

對竹思鶴萬古雲霄

薛慰農贈段小湖

具大胸襟曠覽江天包羅海嶽

試小經濟長養花木位置鼎彝

王夢樓贈蔣心餘

前輩典型秀才風味

華高品格江海文章

孫寄龕贈高霞初

高通易理工畫山水

鈎河摘洛飲文得髓

模山范水下筆有神

贈商界

致富奇才起范蠡

犒師偉畧鄭弦高

北海酒尊留客醉

南薰琴韻阜財多

深藏若虛王孫善賈

待時而動君子知幾

贈工界

工業不一可參看百業類

天上巧思歸大匠

民間器用賴良工

規矩準繩既竭目力

經營慘淡煞費苦心

彭信甫贈鐵工

此本張晴嵐自題門聯彭移以贈鐵工者也

三間東倒西歪屋

一箇千錘百鍊人

贈農界

方朔少時二十萬言書盡讀

傅隆老去八十餘紙手親抄

屠後園贈蔡東軒

范文正作秀才以天下為己任

胡定安居教授識弟子於其師

桂丹盟贈某

海內文章老泉傳軼轍

江西詩派山谷得徐洪

孫寄龕贈王祥生

集蘭亭叙字

氣引風清品齊山峻

樂由靜得文自情生

又贈徐柳泉

赤水丹山四明福地

韓潮蘇海百代文宗

贈鄉老

檻外琪花唐粉本

酒邊玉麈晉風流

十畝園登太平稅

四時花引老人年

未忘揮麈清談興

尚讀蠅頭細字書

尋梅騎驢一天風雪

對竹思鶴萬古雲霄

薛慰農贈段小湖

具大胸襟曠覽江天包羅海嶽

試小經濟長養花木位置鼎彝

王夢樓贈蔣心餘

前輩典型秀才風味

華嵩品格江海文章

孫寄龕贈高霞

初高通易理工畫山水

鈎河摘洛飲文得髓

模山范水下筆有神

贈商界

致富奇才越范蠡

犒師偉畧鄭弦高

北海酒尊留客醉

南薰琴韻阜財多

深藏若虛王孫善賈

待時而動君子知幾

贈工界

工業不一可參看百業類

天上巧思歸大匠

民間器用賴良工

規矩準繩既竭目力

經營慘淡煞費苦心

彭信甫贈鐵工

此本張晴嵐自題門聯彭移以贈鐵工者也

三間東倒西歪屋

一箇千錘百鍊人

贈農界

農圃習勤真事業

桑麻閒話小神仙

稼穡先知君子無逸

雞黍止客丈人多情

贈醫家

醫卜星相四行
參看營業類

有肉骨蘇枯之手

以仁氏愛物為心

養成林下無窮嬾

放出枝間自在春

了無塵韻滯胸次

若有仙風出指頭

人稱其能我稱其德

不為良相便為良醫

濟世多端是亦箴膏起廢

成功不伐方諸墜露輕塵

從指下放八萬四千光明徹表徹裏都見

以世間為三百六十骨節一痛一癢相

關

林則徐贈何書田

何居北彝
山下工詩

橋井活人真壽客

斡山編集老詩豪

贈痘科

身居仙境成丹易

手補天功保赤多

贈眼科

別翳扶障仗君神妙

瞻高曠遠還我光明

贈牙科

飯蔬食沒齒無怨

感大德每飯不忘

贈卜易家

吉凶悔吝生乎動

天地蒼茫老此才

贈星命家

三百六旬推甲子

二十八宿羅心胸

贈相家

獨持冰鑑衡人物

且溷風塵隱姓名

贈堪輿家

山水之間翁所樂

日月其逝我安歸

贈僧

花開花落僧貧富

雲去雲來客往還

說法平臺生公一語石一語

棲真半室老僧半間雲半間

吳薇客贈平山和尚



爐火紅深與我煨芋

王可莊贈金山寺僧秋崖

千古英雄浪淘盡

周伯義贈僧几谷

脫去凡心一點

贈道士

爐火純青消劍氣

贈妓

春風紫玉釵兒夢

十年綺夢銷娥綠

海棠花底三年住

風采南都下賽賽

楊柳綠分蘇小宅

十種相思對誰說

未免有情誰能遣此

窗樹綠滿煩公寫蕉

天下名山僧占多

了却俗身半邊

霜花欲白映仙根

夜月紅綃鏡子盟

一代紅妝照汗青

豆蔻梢頭二月初

舊遊京洛李師師

桃花紅上薛濤箋

一生愛好自天然

每聞清歌輒喚奈何

一顧傾城再顧傾國

又分嵌妓名

大抵浮生若夢

都道我不如歸去

我愛卿如天上月

花開堪折直須折

花開堪折直須折

報道一聲春去也

小如么鳳輕如燕

五嶽歸來眾山小

千載琵琶作胡語

秋月春風等閒度

香如蘭蕙温如玉

紅豆春生二三月

欲采不采隔秋水

千金買笑萬金買情

姑從此處銷魂 贈大姑

試問卿於意云何 贈如意

自稱臣自酒中仙 贈月仙

君問歸期未有期 贈花君

相見時難別亦難 贈花君妹花相

似曾相識燕歸來 贈春燕

紅是相思綠是愁 贈小紅

萬綠叢中一點紅 又

滿城桃李屬春官 贈胡春

良辰美景奈何天 贈春美

雲想衣裳花想容 贈香雲

碧梧棲老鳳凰枝 贈二鳳

大珠小珠落玉盤 贈采珠

秋水為神玉為骨
刺繡五紋添弱線
雪膚花貌參差是
銀浦秋迎織綿女
呼取小名金不換
佩玉鳴鸞罷歌舞
莫使金尊空對月
清風明月本無價
近水樓臺先得月
少之時不亦樂乎
曾經滄海難為水
千古少圓惟月色
試將碧玉年華數
馬上琵琶千載恨
二月春風遊子夢

芙蓉如面柳如眉 贈秋美
瑤琴一曲來薰風 贈繡琴
珠箔銀鈎選逸開 贈雪珠
紅樓春倚看花人 贈銀紅
解將真意玉連環 贈小真
蘭苔翡翠相新鮮 贈佩蘭
為有雲屏無限嬌 贈月嬌
萬紫千紅總是春 贈月紅
落花時節又逢君 贈月君
卿以下何足算也 贈少卿
願作鴛鴦不羨仙 贈水仙
幾生修得到梅花 贈月梅
猶是雲英未嫁身 贈碧雲
掌中歌舞一身輕 贈馬掌子
虎邱山色美人魂 贈二虎子

此地之鳳毛麟角
蜨銜紅蕊蜂銜粉
翡翠巢深花旒綺
寶兒嫵媚雪兒俠
君如肯嫁文簫去
芙蓉帳煖卿卿小
雅調善彈胡撥四
愛河風定情波活
雙槳月明桃葉渡
卅六鴛鴦雙蝴蝶
如此年華如此貌
芳姓偶同楊妹子
喜子亂飛上裙帶
二月鶯花三月燕
鳳凰自歌鸞自舞

其人如仙露明珠 贈鳳仙
雲想衣裳花想容 贈蝶雲
嫦娥妝罷月精神 贈翠娥
玉樣精神花樣嬌 贈寶玉
我便親攜玉鏡來 贈文玉
姊妹花開月月紅 贈月卿小紅
新詞學唱孔都官 贈四官
香海名高豔福多 贈愛香
玉樓人醉杏花天 贈雙玉
水晶如意玉連環 贈人
意中情事意中人 贈大小兩如意
小名應喚菊夫人 贈楊菊妹
鳳凰雙舞入簫聲 贈喜鳳
寶兒風貌雪兒歌 贈二寶
珍珠無價玉無瑕 贈鳳珍



門前柳色藏蘇小

卿非織女偏生巧

來禽館寫眉紋硯

花覆茅檐可人如玉

玉宇無塵銀河瀉影

金風玉露三三五五

春入蘭心嬌含柳眼

紫紫紅紅花葉葉

愛月祇遲惜花起早

他由俺乞求效鸞鳳

桂林一枝崑山片玉

小住為佳得小住且小住

上有並蒂蓮下有同心藕

黛光照人好在無夜度娘氣

水哉水哉胡然而天也胡然而帝也

扇底桃花識李香 贈小香

我為梅花欲姓林 贈巧林

寶鴨爐焚心字香 贈來寶

月明華屋伴客彈琴 贈玉琴

如花美眷似水流年 贈玉如

小庭深院姐姐鶯鶯 贈金三小姐

花銷英氣酒後清愁 贈蘭英

雲雲雨雨暮暮朝朝 贈紫雲

玉樓宴罷金屋妝成 贈愛玉

誰想我這裏遇神仙 贈鳳仙

卿雲如蓋甘露如珠 贈桂卿

如何是好欲如何便如何 贈小如

歡作沈水香儂作博山鑪 贈蓮香

玉容無主相逢作春夢婆看 贈黛玉

子兮子兮如此良人何如此良夜何 贈水子

玉鏡一奩卿看月常圓我看花長好

又暗藏妓名

冲天原有志

楊柳乍眠還乍起

顧影只輸花第一

世外豈無林處士

來到遲時思更苦

到門不敢題凡鳥

却嫌脂粉污顏色

疏影暗香傍水月

相思不值一些子

清斯濯纓鑑於近水

十分美滿一分含蓄

雨後芭蕉風前楊柳

緩緩方蹤玉縷一絲何所繫

鳳簫三弄莫唱懊儂曲宜唱念奴嬌 贈玉

出岫本無心 贈飛雲

芭蕉宜雨不宜晴 贈三聲

問名未到月初三 贈阿二

人間尚有許飛瓊 贈梅仙

秀從骨裏寫偏難 贈珊瑚

謫居猶得近蓬萊 贈鳳仙

別有天地非人間 贈素仙

瓊琚玉佩響天風 贈梅仙

此別真成未奈何 贈小銀

倩兮巧笑旁若無人 贈青青

席上矜寵掌上愛憐 贈九珍

煙籠芍藥露滴牡丹 贈翠紅

姍姍秀骨金釵兩冊欲重刪 贈媛媛



深夜遲眠聽一曲碧簫吹起半窗花影

重簾不捲倩兩行紅袖添來幾縷烟痕

贈秦淮畫舫

五夜弦歌雙漿月

蝴蝶有香皆入夢

情波紆迴作西流水

何處寄閒情亞字闌干心字水

尋江令宅訪段侯家流水聲中六朝如夢

停


一簾花氣滿船燈

鴛鴦無水不成家

古調冶艷譜後庭花

此間無俗韻梨花院落棗花簾

賭太傅棋弄野王笛夕陽檻外雙漿徐



學生必讀 論史範本

全書四冊

價洋四角


史論夥矣然可為小學論
史模範者絕少本書所載
皆寥寥短篇自百餘字以
至數百字簡短醒快每下
一語皆為學生意中所有
筆下所無者讀之神怡心
爽洵論史中之絕好範本

標讀通鑑論

全函十二冊

價洋一元四角

王船山先生讀通鑑論久已膾炙人
口然第列朝代不詳細目每篇之中
又往往鎔鑄全史上下縱橫讀者每
莫測其題之所在本局編輯同人特
於每篇簷端揭出要目又於篇目著
題之處加點以豁心目其便利於讀
是書者當不淺也



中国国家图书馆
NATIONAL LIBRARY OF CHINA